

劉槎翁先生詩選卷之十一

七言絕句

題秋江圖為陳煉師賦

霜樹雲峰隱翠烟，長風吹起鴈翩跹。
道人心事如秋水，看到南華第幾篇。

題飛霞圖為江煉師賦

海上群峰映紫霞，五雲樓觀是仙家。
誰吹玉笛春風起，千樹碧桃都作花。

題江煉師飛霞蘭圖

曾上茅山採白雲，山中瑤草盡蘭薰。
何由擷取飛霞

珮同上玄清戲紫氛

題江虛白懸岩蘭竹

懸雲翠壁三千尺
浥露幽蘭四五花
安得乘風裁紫
玉月明吹向玉宸家

題江飛霞湘蘭沅芷

澧水沅江日夜流
青兰芷滿中洲
誰將幽意和香
墨鴛出瀟湘一片秋

墨蘭一幅贈胡思孔併為之題

猗蘭出石翠交加
春露初開四五花
玉砌雕闌誰種
得幽香偏入野人家

為南山張道人寫墨竹併題

道人別我度雲岑
歸隱茅庵舊竹林
袖裡獨携東海
石滿天風兩听龍吟

題竹石圖寄贈湯子敏

松石山房看竹時
十年風雨最相思
白頭歸老誰同
調愛殺秋林綠玉枝

夏日過蕭玄暉舊隱賦二首以寄之

青松深處一茅廬
知是蕭郎舊隱居
安得鸚鵡飛報童
子便筍新酒釣新魚

便筍新酒釣新魚
况是林塘雨過初
為掃松陰苔蘚

石醉來容我卧看書

題紅梅為易謙賦

姑射仙人綽約容已無情態向春風何時學得養霞
法盡把冰肌換暖紅

晚興

江上看雲踏雪歸滿牆竹色淨柴扉十年京國春風
夢猶憶承恩出紫薇

余歸自南京與子彥弟相見于清江舟中別去
承寄絕句六章依韻春荅

十年奔走度晨曛望斷江南水竹村不是田園無舊

業極知天地有深思

雲亭河口舊漁磯此日扁舟海上歸夜月未傾桑落
酒秋風先製芰荷衣

清江烟雨暗蓬蒿城下帆檣百尺高自掩短蓬支病
骨不教人識舊兵曹

弟兄手足最相親恨殺東頭少一人幸有白頭相對
老斲匏飲水不嫌貧

閉戶看書百不憂東原稻熟更何求便傾秫酒三千
斛更養池魚數百頭

珠林東望白橋高近築湖居俯澗毛要知同氣真連

理莫遣分飛嘆伯勞

江上

沙背微波漾綠蘋
山頭落日駐紅輪
依稀燈火楓林
鼓岸上人家賽水神

步月

乘涼步月過西鄰
草露霏微濕葛巾
一迳竹陰無犬
吠飛螢來往暗隨人

窺圃

園瓜寒蔓早離披
山藥秋藤已倒垂
小雨暗沾花下
迳間雲深護竹間池

田家

三兩田家草覆庵
瓦盆盛酒款農談
園桑秋葉團
綠猶有佳人飼晚蚕

八月十一日自水南渡江道金華過北岩訪蕭
鵬舉氏是日雲陰掩冉殊不見日色道中賦絕
句三首明日因錄東舉善暨鵬舉伯仲

八月棠梨露葉紅
荒陂古水湛青銅
秋風依舊岩前路
高下寒山落日中

虎鼻峰前赤面塘
數家雞犬舊山莊
荒村亂後耕人
少秋水滿田蒲稗長

秋熱餘威不可論渡江先已畏晨暎天心也似怜行
客十里雲陰直到門

奉和廖教授相過不遇之作

手撚菊花歌竹枝秋光月色儘相宜如何數載西溪
上只隔芙蓉喚不知

題李居中所畫雪景為羅與敬賦

李時家住居庸北慣寫西山雪裡峰彷彿舊遊天上
去瑤臺開遍玉芙蓉

題江上抱琴圖

明月出嶺光欲高携琴相喚渡江臯何由掃石長松

下坐聽天風送海濤

題一萬初上人枯木蘭竹圖

蒼龍躍海鱗鬣古翡翠出林毛羽鮮即色已非身外
相生香應悟定中禪

題高僧圖為心傳上人

班竹匡床錦石屏寶花磨衲間雲翎畫長閒却軍持
水自數明珠記佛經

日落袈裟出定遲滿頭霜雪映脩眉白雲坐斷岩前
石問着遊方了不知

題孫碧霄畫小景為王存睿賦

高樓乘曉望春歸
日照桃花錦作圍
最愛野橋楊柳外
綠波晴影漾人衣

遙山樓觀隱晴霞
芳樹庭臺瞰浦沙
白鷺驚人忽飛去
滿湖風動綠荷花

野園寒落露初零
采_匕黃花酒半醒
悵望故人愁欲暮
隔江烟淡數峰青

題山水小景

不見高人唐子華
秋江烟樹渺雲沙
短筇野服青林下
絕似高吟坐日斜

題蕭安韶所藏崔群白鵝

曾從雪夜混軍聲
又向山陰換道經
爭似飛鳴江渚上
雲淡_匕草青_匕

題捕魚圖二首

釣罷招呼事獻酬
停橈暫住莫教流
不辭今夜船頭月
醉卧蘆花兩岬秋

沽酒歸來一甕圓
晚涼出水鱖魚鮮
全家只在滄江上
斜日西風晒網船

題墨竹為郭持中

閒寫幽篁遺所知
兩竿秋玉帶橫枝
山林偃蹇尋常事
直上雲霄自有期

題墨竹

伶倫九十黃鍾管
仙子雙吹碧玉簫
調得鍾聲滿天地
會招鸞鳳下雲霄

題清江釣艇圖

曾踏扁舟事釣漁
垂綸直下碧潭虛
歸來高卧青山裏
閒看桃花憶鱖魚

題三咲圖

三人同咲不同心
墨本流傳漫至今
何似青蓮李居士
猿啼月出過東林

夜宴陳氏聞鼓吹有懷南溪諸友

華筵鼓吹動春輝
入眼偏傷故舊稀
此夜嵩華山下路
雨雲何事滿天飛

題所翁墨龍

蒼精出海雲為駕
日光珠焰交相射
前驅列缺走豐隆
盡捲銀河雨天下

春日承鵬舉過余林
居適留龍陂山中不果會
蒙寄詩三絕趣余入武山
依韻奉答

仙女石前愁日晡
松林風急鳥爭呼
誰傳天上瑤華曲
驚倒花間碧玉壺

小作尋春漫浪遊
君來不得事攀留
青丘楊柳王摩

詰艷上桃花皮日休
想見北岩雲錦堆野花如雪照人開雲峰寺裡啼鶯
早定約清明載酒來

賦得臨清亭四時詞就錄寄寶逸士

門外東風吹柳條晴烟翡翠滿蘭茗殷勤幾曲洪陂
水漂得飛花出畫橋
綠竹陰沈白晝長石渠流水稻花香綸巾羽扇間無
柰自起開窓送夕陽

盧度山頭宿霧收夜來風雨報新秋階前流水深三
尺不遣漁人繫釣舟

碧瓦踈櫺帶粉牆梅花照影淡生香朔風不解冰流
水吹起飛霜滿石床

題松下彈琴圖

丹崖翠壁三千尺白髮蒼顏一老翁但覺絃中寫流
水不知天外起松風

題踈懶生卷

瓢棄不緣春去早門扃不為客來稀床前書亂何曾
卷卧看林花過午飛

題尚仲份為陳孔碩作松岸輕舟圖

青山何處是幽居生事深怜老向踈安得短篷仍載

酒松江雪裡釣鱸魚

題陳舉善渭川清晚圖

陳丞寫竹小尤精比似湖州太瘦生何處月明江上
白千枝萬葉送秋聲

題復公蒲菴

長年步不過迴廊心靜時聞簷蔔香莫怪扣門渾不
應近來喧寂已俱忘

十年名重當朝士萬里詩傳渡海僧風雪峻嶒頭雪
白月中瘦影見寒藤

護龍河水遶禪房五月尋幽到上方最愛門前兩桐

樹風來葉上是清涼

為報身閒老徹師莫年林下好相期何由共載南歸
棹來向滄江理釣絲

女兒港聞笛

女兒港前風乍起一声長笛傾人耳遙見匡廬頂上
雲片吹落湖中水

看月

中宵起看大江流莽上乾坤不盡頭吞吐月明三萬
斛客懷那得一分愁

題李晟寒泉枯木圖

野藤枯枿半蒼青
白日秋陰結杳冥
彷彿潮頭風雨惡
群蛟銳骨海雲腥

同子瑗梁徵士上圮入小莊投宿下邳周氏草房賦此奉柬

解鞍向晚暫停征
况是周郎重故情
今夜酒醒山月上
便應高枕听溪声

溪水盤山似建瓴
芙蓉楊柳滿沙汀
明朝更渡回潭去
猶擬題詩上翠屏

題杜草堂戴笠小像

杜陵短褐髯如絲
飯顆淒涼日午時
為報西流夜郎

客錦袍霜冷更相思

題子昂散馬圖

曾蹴流沙出大宛
獨持風采照天門
歸來散澹春風裡
曹草長林揔帝恩

題王叔明竹石圖
叔明趙文敏公之甥

王郎寫竹出吳興
瀟洒縱橫似更能
昨日蒲菴七裡見
雲根風骨更崢嶸

題高彥敬青山白雲圖

松橋石瀨雨潺湲
杉檜陰森暮色還
誰共西樓一尊酒
白雲堆裡看青山

水山畫

露下石林秋氣清
松風盡日帶江聲
閒來自愛無拘束
拄杖看山到處行

松下茅亭俯碧流
山中樓閣倚清秋
岩腰有路穿雲去
猶擬携琴上七頭

龍氏書室圖

雲隱何年屋數椽
芙蓉疊嶂俯晴川
松房舊是藏書處
猶有虹光夜燭天

楊柳曲七首

種柳城南河水津
兩岸幾株高過人
千回樹下頻來

往弄葉吹花惱殺春

種柳城南河水邊
青枝拂地盡含烟
柔絲若有千

尺應繫儂家蕩子船

種柳城南河水流
枝上葉上是新愁
窺人昨日猶青

眼吹絮今朝已白頭

種柳城南河水傍
常年二月好春光
晴風暖日無聊

賴只聽鶯聲也斷腸

河上東風二月時
垂楊十里鬪腰肢
如今縱使能嬌

舞照影寒潭亦自疑

金縷織成歌舞衣
年上江上惜春暉
無端心性輕離

別待得花開只解飛
莫拗長條作馬鞭
春來棄匕是愁烟
東風着意應怜
惜吹送飛花直上天

春日寄李子翀

池館幽窓日已開
浮雲西望獨徘徊
似聞卧疾滄江上
不見尋春北郭來
春水滿江魚子肥
春雲匝地鴈群歸
客懷誰遣愁花雨
草色無端近竹扉
水西江上柳千樹
白雲山前花滿溪
即欲聞鶯酌舊
賞要須走馬覓新題

江上有懷故里

東園林禽細作花
南城楊柳亂啼鴉
青錢買醉何由得
白日行吟真可嗟

莫惜當筵酒滿壺
春光流轉只須臾
池亭一夜聽風雨
明日桃花大半無

我家茅屋知何似
白馬祠前快閣東
風濤二月不可出
誰與買船行市中

萬安縣前好風光
踈花亂草滿魚梁
大船東下疾如箭
一十八灘春水長

題墨梅

一剪春風映路斜
石橋流水淨無沙
愁來圖畫驚相見
絕勝西湖處士家

松畫

疾風吹雨龍髯濕
落月掛林猿臂長
岷峽晚晴初瑟瑟
華峰秋色正蒼蒼

歲暮述懷

不愁江梅破雪早
祇恨楊柳隔年青
燒燈稚子喧長夜
騎馬行人問短亭
北林枯梢只柰雨
東舍寒草故生雲
沙冷長鳴黃犢子
池深時亂白鵝群

百舌向人啼不住
一身作客愁可憐
有酒且復醉今日
無錢莫謾悲長年

憶得小年當歲除
昔者之樂今不如
青衫擊鼓騎竹馬
赤脚踏冰尋鯉魚

正月十九日

金魚洲下放船開
華石潭邊看雨來
愛殺南天雙白鷺
青山盡處却飛回

入西山

江雨溟𣎵落遠帆
驅車西上入烟巉
青松殘雪分明見
指點行人問翠岩

舒氏池亭晚興

池上逶迤結構新光風盡日可憐春柳枝竹葉渾無
賴萱草葵花故惱人
閒雲長近松邊屋流水潛通石底池坐客把書臨閣
迥野人送酒出村遲
赤色鯉魚金作鱗吹花沉蔓解相親湍流出入元無
定雷雨飛騰故有神
生事不關來往稀溪光灑_上映柴扉蒲萄葉破青虫
墮豆莢花開乳雀飛

謾題

四郭青山處_上同客懷無計會秋風數家茅屋清溪
上千樹蟬声落日中

小雨約李克正過池上

溪南雲隔數青峰別館秋光也自濃細雨不歎沙路
濕明朝池上看芙蓉

出溪

碓底石花青的_上水邊楊葉綠踈_上茅簷過午猶聞
碓釣艇出溪初得魚
淺水白沙明可數深林黃葉靜初聞客心閒得無聊
賴大似旂竿嶺上雲

岸上芙蓉數尺高，閒居風物苦相遭。興來不用頻携酒，臨水看花也自豪。

潺湲陂水落蒼灣，行子經年且未還。千里贛江何處是，斷腸空見越王山。

雲松軒雜韻六首寄呈軒中諸君子

白雲峰前溪水東，夜深雲氣白如虹。青山北岸當時見，多在月明寒霧中。

雞犬蕭蕭入翠微，不愁山霧濕人衣。水邊楊柳因風落，松下閒雲盡日飛。

引泉近注白雲根，斲地新成翠竹園。為惜苔痕斜貼

石，因愛松樹特開門。

東籬把菊陶元亮，北渚褰蘭楚屈平。幾曲清歌一壺

酒，高情元不累虛名。

霏微夕雨沾林潤，掩冉晴雲傍水閒。忽憶南園兩佳士，今晨携酒過西山。

想見故人心眼開，石林深處隱平臺。黃橙紫蟹俱宜酒，紅葉青山且未回。

憶李氏茅堂東克正

舊見池南楊柳樹，垂天匝地葉青。可能二月東風裏，盡挽長條結草亭。

盡日門前流水聲
細雨白沙渾欲平
可惜溪南千萬樹
秋風落盡不知名

野屋緣山一迳分
夕陽人語隔溪聞
齋前短草寒猶在
時有鵝群亂白雲

淨妙寺讀李少鴻所書山門記過東院看百結花其枝皆紐結之而香氣大異感賦二絕

李唐遺碣照浮屠
紫霧光涵白雪腴
誰惜文章鎮螭首
獨將香火祀龜趺
客行暫住九秋槎
僧寺初逢百結花
至竟異香生不斷
誰令着意事盤拏

題許侯藏臨江楊萬戶所燕餞詩後

貳守分符出大邦
將軍開宴俯清江
玉壺舊賞今何處
錦軸新題故滿窓

山城過雨淨泥沙
官馬侵星早趁衙
訟牒不來驚日永
秋雲亭下看飛花

題竹石圖

石上晴雲故不飛
蕭蕭空翠濕人衣
湘娥未解臨江佩
西望蒼梧何日歸

題青山白雲圖

石林烟霧冷冥冥
一舸西風過洞庭
日暮白雲飛去

後江南無數亂山青

題筍蕨圖

西林新筍各已長
南岡蕨芽生紫芒
何人採掇欲滿
眼
開卷忽聞春雨香

題琴士艾如蘭

獨抱瑤琴下翠微
竹皮冠子菱荷衣
梧桐枝上秋風
起
彈到清商第幾徽

題枯木竹石

曾聽楚人歌
竹枝橫江秋靜
月明時只今漂泊
春風裏
綠蒲南園捻不知

木葉欲脫天雨霜
竹枝乍低風已涼
三湘落日派波
白
行子繫船思故鄉

平沙竹樹晚
旣已楚客維舟近
峽南忽憶微雲將
雨
過蒲林秋色照江潭

題竹石圖贈陳仲實之南安

寫得幽窓竹石圖
琅玕青碧間珊瑚
明朝却度南關
去
何處榕陰聽鷓鴣

題木石圖

帝子吹簫不可聞
高河涼月白紛紛
靈槎天上歸來
晚
獨倚支機看海雲

贈醫士孫允道

架上方書手寫成柴門長掩背西城一簾香霧微風
起又聽雲窓搗藥聲

戲題東湖大梵寺

雲木蒼々秋日涼六年兩度宿雲房老僧白首能相
識咲指東軒舊竹長

題墨蘭

海門月照真珠樹石峽風生翡翠衣千里烟波愁欲
暮美人何處佩蘭歸

避水西軒述懷

昨夜風高浪打門抱書移榻頓驚奔朝來欲去渾無
路獨坐西軒看水痕

筠陽春日述懷

筠陽花開三月時城南城北好追隨妙真宮中來看
畫龍王潭上去投詩

平野青林十里餘已無城郭限丘墟洞前不見仙人
井澗上猶傳隱者居

鳳山盤々石脚斜石橋西畔有人家家上臨水開窓
戶夜々燒燈照浦沙

錦江春水向東流鷓鴣鳧鷖不解愁十日城隅風浪

惡人家爭繫木蘭舟

明秀樓前青柳條錦水坊下赤欄橋東郊酒伴能來
往出飲乘晴不待招

每憶東湖曠省郎醉歸留客更持觴無因坐對西樓
竹聽爾狂歌不下床

城南酒樓相見時滿堂賓客捻新知酒闌月落渾忘
却猶帶吳姬唱小詞

秋江風雨圖

橫江千樹冷颼颼七洲渚滄茫水亂流安得雲帆高萬
丈聽風聽雨洞庭秋

題陳叔起為枯林上人作海口送別圖

五月乘風離福州魚龍吹浪海門秋分明一片袈裟
影飛在三山頂上遊

題枯林上人墨蘭

曾乘桂楫上清湘明月蒼波野興長欲採幽蘭渾不
見深林風定忽聞香

掩冉晴雲颺曉風碧蘭紫穗故成叢湘娥西去遺仙
佩翠羽明珠滿澗中

步入深林有所思蒼茫白石澹華滋美人欲渡湘江
晚裊七金支出翠旗

杜若蘼蕪忽已殘西風澤國故多蘭
閒來竹底拾翠羽月下不知清露寒

君子堂夜起

風亂殘燈自掩扉夜寒遊子嘆無衣
池南落盡芙蓉葉滿地月明霜正飛

題江景畫

澗邊白石明於雪林下清風冷似秋
落鴈圓沙江路轉短蓬烟雨憶曾遊
鳥聲先在竹林間虛室曛曛曙色還
一夜霜寒慵早起開門枕上看青山

寄薛益

細雨荒荒白下城茅堂深隱稱高情
清晨讀罷淮陰傳坐看門前江水生

題超上人墨菊

露香秋色淺深中青蕊黃花自一叢
最憶南園微雨過短籬扶杖看西風

題山水扇面

杳杳青峰隔斷林桃源無路可追尋
扁舟莫渡南村去風浪滿江雲正深

題春江小景畫

鸚鵡鷺鷥相對閒落花芳草兩班
起知是吳姬蕩槳還
清歌一片雲中

題蘆鴈小景

蘆花霜滿釣漁磯江上征人久未歸
水年七惟有鴈南飛
天北荒涼雲似

題和靖觀梅圖

處士娟七白氈衣松門石迳轉依微
上貪看梅花忘却歸
不因月落西湖

題墨鷹下有一熊

當年渭水困鷹揚
非熊鬚已霜
搏擊只今誇健

翻可能兀立睨蒼茫

同曠伯達登揭氏山兩亭觀石上虞太史刻字

退池上觀魚而歸

太史文章漢魏初碧苔深護九霞書
閒來倚石看雲
月直恐神光貫紫虛

高柳芳池豔七春一泓新綠淨無塵
夜來忽漲西山
雨千尺蒼波躍錦鱗

寄易撫

谷口同遊最憶君別來雙鴈不堪聞
滿山橡栗何由
拾獨擁寒扉望白雲

夜飲扁鵲觀同魏煉師坐竹林下

扁鵲觀前清夜遊
青衣隔竹送茶甌
綠陰深巷涼如
瀉坐聽瓊簫轉玉樓

題秦華春雲圖

仙人樓觀炫青紅
帝子行春遊太空
玉檢金樞人不
見漢家壇埠雨雲中

題揚補之臨宋徽宗湖口鷓鴣圖

大湖石畔雙鷓鴣
碧草春明繡羽毛
莫擬宣和看筆
法故宮花鳥屬蓬蒿

題明皇行樂圖

宴罷微行禁苑春
諫臣已遠弄臣親
那知劔閣西巡
路能護鑾輿有幾人

題墨龍

八十一鱗金甲光
西捲弱水東扶桑
羲和按轡作霖
雨矯首中天朝玉皇

題蕭曙所藏曾同可畫水

千疊潮頭捲海來
海門月上正雲開
秋風吹起三山
雪直過錢王射弩臺

三月平湖舟楫通
水光雲氣混涵中
白頭浪起無人
渡个江豚吹北風

輕濤暗浪互奔驅極浦蒼烟澹有無欲采白蘋愁日
暮一帆秋雨過南湖

楊子江頭秋意深金山下藝雨雲陰可怜赴海東流
水不及歸人萬里心

題李遵道幽篁古木圖

海愛黃岩筆意研蒼枝幽竹淨娟娟
清秋翡翠誰能識碧海珊瑚更可怜

松雲軒

松蓋盤上擁百層連山雨過白如蒸
晚風吹散天邊影琥珀神光忽上騰

何處飛來野鶴群踏翻松頂翠粉上
清陰不動涼如水自掃綠苔眠白雲

林下高軒日上開清風時共故
人來鳥啼更在雲深處白晝松花滿石臺

題山水圖為興國監縣帖俠賦

亂餘風物恣凋零誰寫雲林近
草亭萬里歸人望江北居庸還在日邊青

題生色粉茶

禁苑春回雪乍消絳茶花發上陽嬌
曉粧淨洗鉛華水猶自乘雲擁翠翹

題秋江小景

秋水無波淨落暉汀沙雲樹轉依微望中一片瀟湘
意無數征帆逐鴈飛

題枯枝幽禽圖

霜枝黃葉亂秋風
竝立幽禽慘淡中
長憶爭飛春樹裏
綠衣深映杏花紅

夜宿文溪道院喜雨和呈蕭同知

山雨初來一鳥啼
千村白雨動成畦
何由得買雙烏犢
乞取荒田自在犁

風折林間綠笋竿
洞門白晝忽陰寒
仙人解喚雷行

雨却與玄都洗石壇

春在青林野水濱
酒壺隨處伴閒身
偶來仙館題詩句
貪看桃花忘却秦

題趙子深折枝牡丹圖

華清野鹿不曾來
孔雀屏深扇影開
九奏樂停春日午
綠衣初進紫霞杯

夜聞沔兵將上携家入黃塘州

城鼓荒亡欲二更
鄰家相喚月中行
平田一路人如蟻
碩影蕭條亦自驚

晚遊興福寺奉和從兄本泉韻

童七飛蓋出松蘿公子多情柰晚何灘下綠波濃似
酒月明更擬棹船歌

登白石塘高峰

西北群峰勢最雄雲霞倒影落塘中幾年却上山前
石坐看匡山出日紅

仙人手可接飛鴻落日長天慘淡中贛水直流三百
里越王臺下却如弓

玉華金華相望高城中秋樹見毫毛武山雲氣長來
往只駕仙人皮與陶

題梅園為萬砵賦

千載梅山不可招南昌宮觀草蕭々歲寒圖畫驚初
見依舊清風洒雪標

題文溪道院

白石蒼苔一迳荒鳥啼仙館落花香新來禁得西林
笋更比琅玕數尺長

雨過池南綠漲肥水沉香裊午風微間來自拾青松
子驚起梢頭獨鶴飛

桂花風定莫雲間夜靜江声鶴未還天上月明秋似
水時聞玉佩出松關

門對龍灣雪未消乱山寒日思迢々道人神氣如春

酒自倚梅花品玉簫

題萱草葵花圖

綠葉朱英春正稠
丹心何事復忘憂
西風別有葵花在
猶戀餘暉照暮秋

承王子與伯仲枉顧敝廬不果迎候奉次留題

二首

汛掃柴門出候君
春泥野草綠紛紛
寧知夜半山陰雪
翻作江東日暮雲

春日尋芳偶未回
不知江上故人来
歸來驚見留題處
踏破林陰一片苔

題散蘭圖花葉狼藉若採而棄之者有松枝竹葉雜之蓋墨戲也進士劉仲炯以示余因為賦此

曾向深山採蕙蘭
佩紉未試忽春殘
飄零亦有同心者
莫作尋常鬪草看

偶閱胡思齊詩追憶友范實夫李子种

曾共雲邊看晚晴
芙蓉峰下聽灘聲
當時范李今何在
愁向詩中見姓名

和荅陳宜山居寄示

石門細草落松花
磊砢圓峰削翠瓜
夜久風泉聽不

盡獨看明月照流霞

山人出洞歸來晚月上東厓一丈高貪着臨流看清
影不知風露濕絺袍

青山何日許為鄰愧尔東南飄泊人縱有桃源堪避
世已無漁子解知津

和鍾廷方韻贈其弟廷亨南歸

知君伯仲舊名家學海新濶未有涯歸到岩前春酒
熟滿庭風雨看梅花

夜宿城西聞雨有懷新堂瓦覆尚缺感賦一絕
架上殘書乱不收短琴亦掛壁東頭直愁沾濕兼泥

萍尤恐堂均作水流

入峽潭

水上石山森劔鋸水中石屋是魚房秋來水落月未
出魚眼射波如火光

聞劉友文病起

詩帙不來春又過藥瓢應是日相親無因為報池南
柳長得新條長過人

題墨竹

羽衣何處采仙茅海上蓬山紫翠交帝子欲來風露
冷月中遙見綠雲梢

題墨雀

乍逐微風度柳槐又隨斜日噪樓臺晴沙如雪江村
路何處飛來喙雨苔

三月五日同鵬舉蕭茂材白水道人遊三華未
至留宿山下表仲暹氏明日雨作望三華在咫
尺不能至乃冒雨步歸表君追至山外不果留
途中因賦東同遊者

三華山在亂雲間晴日尋春雨却還想見飛橋轉樓
閣碧桃花下水潺_七

過柳溪道院

岸上誰家掩素扉鳥啼渾似惜春暉日斜深巷無人
過時見梨花一片飛

過江南高城訪孫景賢知事途中有作因錄奉
東

屋角桃花深淺開臨溪欲過復徘徊誰知不是尋春
者自為山人看竹來

渡江一望一咨嗟水繞田園迳路斜多謝野人相指
別青松嶺外第三家

家在松蘿杳靄間屋西流水盃沙灣可憐萬里懷鄉
意日上高城望北山

題雲松圖

何事携琴更載書青山深處是幽居
白雲日已岩前起松下茯苓應可鋤

晚同南溪諸友過武山避暑

曉上西華愛夜涼松風如雪洒衣裳
夕陽欲沒月初上乱石滿山疑卧羊

白雲

一片白雲東去微千片萬片相隨飛
野人望殺田頭雨空逐逍遥神女歸

月落

月落荒村夢自驚隔窓人靜一燈明
狂風忽起樓西樹聽得枯枝墜瓦声

題山水畫

遙峰隱隱白雲層喬木春陰落紫藤
野客欲歸茅店晚赤欄橋外見魚罾

題墨蒲萄為古心上人賦

移根何日渡流沙萬顆神珠燭絳霞
岩底月明初入定驪龍弄影落袈裟

題竹石棘圖

山石确犖行路微苦竹叢棘相因依
草根露寒蟋蟀

語有客秋暮懷當歸

武夷道中望武山

虎峰龍洞互綿聯長是高低落照邊最愛武夷上
看錦屏一片倚青天

數日風雪不見武山稍霽出溪上見雲氣鬱然
喜賦一絕

武山秀色盡長松曾宿泉亭夜聽鐘溪上閉門三日
雪不知雲氣滿西峰

題風雨歸舟畫

狂風橫雨滿江天縱有高帆未可前別浦寬閒須暫

駐莫教吹却釣魚船

蘭舟詞

有嫁女渡牛乳灘而溺死者作蘭舟詞以悼之
風蕩蘭舟觸石磯白波如雪卷羅衣香魂只在春江
上化作鴛鴦獨自飛

以風雪不果遊龍門承故人羅允道寄詩相問
依韻奉會

雪滿空山不可行懷人幽興一時清高堂正隔黃泥
港短屐難移冷水坑

題秋江小景畫

美人鳴弦思瀟湘斜飛金鴈不成行夜深彈徹烏栖
曲月照寒江萬樹霜

石橋道中

一樹棠梨溪水頭飛花片上逐溪流行人過盡斜陽
暮何處飛來雙錦鳩

訪胡隱君山居

屋後青山亂入雲屋前春樹綠紛紛松窓晒藥無人
到時見西岩過鹿群

度三華飛仙橋因憶往年同遊者

步轉危橋入紫烟曾登絕頂望飛仙五人同賞今誰

在試數重來十五年

戲題蕭子所書舍

尋山衝雨過甘溪欲訪蕭郎路轉迷間殺門前春水
綠釣竿還在栗原西

蒼石峽中見道人庵居隔水山花盛開

蒼石峽中花藥欄舊時草屋傍岩安道人去後松橋
斷縱有花開隔水看

石塘山家

隴麥高低迳路斜小池楊柳帶人家東菑午餉柴門
靜一大籬根卧落花

玉隆山晚望

山路初晴榭葉香青林赤磧帶橫岡玉隆山後平田
少柳下人家是石塘

春晝

江南歌柳燕將雛門巷新晴轉綠蕪花隔小窓人不
到一簾香霧闌檣蒲

聞吹笛東蕭艸

武山曾共賦仙遊按節傳觴夜不休恨殺春寒花雨
濕時上吹笛上西樓

中酒

銀燭頻燒夜宴遲晨光忽覺轉簷枝幽人欲起還中
酒卧聽西齋讀杜詩

題觀泉圖

披圖如見錦袍仙正詠銀河落九天百疊雲屏烟霧
裏石梁聽雪定何年

題折枝梨花

最憶梨花白雪香春深千樹鎖昭陽畫圖驚見東風
面獨擁紅綃試淺粧

題雙竹

天星墮地氣如虹深映蕭上玉一叢草滿漢宮秋露

冷金莖雙出月明中

見山中結草為舍者

結草為寮石作床和雲和月卷衣裳秋風華屋成塵
土却望青山是故鄉

已挽甲枝當屋椽更班枯草作寒氈從今莫彈南飛
鳥客土安巢未有年

夜驚

雞喧犬嗥牛夜鳴空村月落旅魂驚何人敲竹爭防
虎坐聽山風過五更

出村

偶沿流水出孤村遙見人家欲斷魂屋上野狐嗥不
去土垣插棘半無門

過老虎口

負隅妥尾兩蹄蹲秋草班班見石根雞犬已空人散
久猶張饒吻向荒村

憶家藏舊書

萬卷家藏史與經翻床毀積摠飄零可憐閒殺箋題
手無復林間拾露螢

余憂憤中戲作墨龍于報恩寺之西壁明日余
兄子中復圖于東壁有高視闊步之意或請余

弟子彥贊之子彥咲而不言因賦一絕以見意
東壁圖龍勢最雄氣連西壁雨雲通葛陂一丈無人
識雙劍飛來野寺中

感懷寄友人

十年離亂今年甚盡室飄零秋雨時百里荒山行欲
暮望人烟火問晨炊
八月南奔未授衣忽驚霜露滿柴扉敝裘已落他人
手憔悴蘓秦未得歸

西鄰

門前紅葉寒初落窓下青烟濕不飛賴得西鄰老翁

健荆薪長日送柴扉

題墨竹贈楊煉師

瀟洒高標早出塵歲寒空谷見斯人紫霞洞裏吹簫
處閒殺桃花萬樹春

夜宿闊塘與陳有慶別

夜宿塘西山館中可怜愁雨又愁風一瓢春酒千行
淚明日行人獨向東

尋春

顛雲橫雨挾風塵終日尋春不見春雞犬已空桑柘
廢清明誰是踏青人

入山

二月携家又入山
紛紛爭戰往來間
草堂落盡梨花雪
過却清明未擬還

南園

南園桃李舊凋傷
作意迎春向艷陽
十日寒風三日雨
翻成狼藉送年光

題三岡寺

石橋流水帶人家
紫殿春陰閣岸沙
啼鳥數聲山雨歇
門前落盡白桐花

石鼓坑田舍

松林日暮雨淒淒
十里陂田五里泥
一月離家歸未得
桐花落盡子規啼

望仙壇嶺

東望仙壇第一峰
倚天秀色畫寒松
春來山下多風雨
黃土潭深有卧龍

雨晴

三月雨晴風日侵
山下田田流水深
稻苗一片青如織
花鴨來時無處尋

重遊李良感賦

寺後青峰梵閣陰
寺前流水稻苗深
重尋稚子牽衣處

慶栗葉青七雨滿林

題泰源堂壁上墨龍蕭煉師畫

白鶴仙人劍氣雄
蜿蜒鱗甲動秋空
何年飛上精藍
壁海藏神珠徹夜紅

題牧牛圖

牧童食牛仰牛載
穩踏牛頭上牛背
却咲金鞍躍馬
人時七失足墮風塵

題枯蓮水禽圖

綠房秋老驪珠黑
青筠霜餘翠羽乾
歌罷採蓮人不
見雪姑飛去水雲寒

題秋江晚渡小景

滿山黃葉亂秋晴
風欵橫江一棹輕
老屋溪南歸未
得十年風雨最關情

題竹石圖

雲根雪骨立崢嶸
誰種琅玕綠乍成
安得長竿三百
丈為君橫海掣飛鯨

題石上鶴鷓圖

石盤鱗七溪水急
鶴鷓飛來水中立
前飛回首定相
呼寒枝月明愁影孤

題江天小景

斷岸遙山翠欲漫冥鴻飛去楚天寬何年結屋長松下坐聽江聲五月寒

出長筵藍陂

行人三五度回溪亂後人家井竈迷蒼耳黃蒿無路入斷垣細雨鶉鳩啼

度嶺

蘆葉蕭蕭亂壓頭石攢山擁路如鉤陰沉不見天邊日鳥自喧啾水自流

茅坪

斷壠荒岡少樹林翩何許一幽禽欲栖不定還飛

去白蒿黃茅秋正深

小庄

老虎廟前溪水長白羊坪下晚山蒼到家尚遠心先近指點行人問小庄

與郭約別

火燒橋畔草離離野水寒山日暮時已渡前溪更回首知君獨立尚歸遲

東原對月

土屋無風夜不關屋前遙見兩青山瓦盆盛酒茅鋪席何日柴門望月還

寄湛上人

當時曾共北沙遊把酒哦詩賞素秋十載故人零落
盡東山依舊說湯休

流江春日

山遶平原屋遶山兩溪流
水結迴環綠楊如畫花如
錦長日鳥啼烟霧間

過郎湖

山中春鳥夜相呼岸上誰家酒可沽
風露滿船眠不得長歌乘月過郎湖

酒醒

野人亂後無歸處惟有尊前似故鄉
昨夜流江水亭上五更酒醒月如霜

紀夢

風雨瀟瀟七鷄亂啼十年春夢使人迷
環波亭下東湖路依舊荷花水滿堤

出水口望牛頭峰不見

萬壑千林掩翠岑出山自淺入山深
桃源未必真無路正恐重來自莫尋

述懷

別時曾賦落梅花江上風寒燕子斜
過却清明三日

兩茶蔗亭上客思家

送劉海鵬之金陵

鳳凰飛集五雲間送爾長歌入楚關明日駕帆淮水上便從雲氣望鍾山

宮亭水落鴈南飛寒日蕭蕭錦樹稀二月東風江浦綠却攀楊柳待君歸

荷葉陂頭流水聲月華霜氣兩淒清自憐委翅蓬蒿底不得相從赴遠征

入葉坑

山下泉車盡日聞山頭茶樹綠成雲幾時荷葉陂頭

住學種山田四十斤

題瘦馬圖

余友大梁辛好礼題云曾奮沙場朔漠功病毛如蝟氣如虹一株官柳西風下猶記當年百戰中乃其暮年由贛赴汀時於王府推坐中醉時所賦也余悲其辭因追和以傷悼之當年毛骨聳竒雄曾奮沙場百戰功萬里渥洼歸未得却將憔悴托秋風

同王伯圻諸弟登眺宅後林谷鬱茂可愛因題

谷中松竹

離七四五百竿竹落七二千尺松深結秋陰應
鶴高蟠雲氣欲成龍

蝶

花間撩亂作團飛草際悠揚獨自歸惱殺吳姬描不
就忽隨扇影上春衣

題宣和鸚鵡畫

汴水西頭鞞鼓聲寶箋香翰尚娛情可憐鸚鵡空毛
羽不解傳書到北京

春日謾興

暖風踈雨淨塵埃林下幽居鎖綠苔昨日桃花渾落

盡去年燕子却飛來

題楊自明萱草鵲鴿圖

鵲鴿相顧復相依萱草花開滿石磯不似秋來沙上
鴈天涯風雨更分飛

入苦竹潭聞笛

江上何人吹笛聲水雲風樹兩淒清幾時載取禾川
酒苦竹潭心看月明

入天河

日落狹潭風湧波汎舟從此入天河虛疑天上無人
到百疊青山路更多

藥湖書所見

石根寒沼時時落嶺上荒田寸寸鋤已圍蕎麥防飢
鹿更插杉條護凍魚
敗堞草荒餘箭眼殘兵衣禿見刀瘢蕭條香火楓林
靜散漫人烟草閣寒

題古城耕釣圖

兩角黃牛一釣竿古城幽處足盤桓
亂來稅水仍輸
結留取溪山畫裏看

雨坐候故人不至

冬青葉上雨瀟瀟虛館山寒坐寂寥
還說南村收穫

去可能留客待明朝

燈花

閉門坐待月光斜應念行人未到家
好是客窓殘酒
醒一簾風露看燈花

重遊洞玄壇

河水西邊萬木群三間茅屋祀真君
仙家閒靜無塵
榻自掃青苔坐白雲

題墨竹贈曾同升

朗石溪頭君故家前朝文物自清華
幾回想踏橋邊
石翠竹瀟瀟覆白沙

題明皇優戲圖

臂袒紅衫側皂冠。翩躚舞樂初攬。笛聲一片宮前起。應說秋風蜀道難。

見池上梨花

梨花一樹照清池。暖雪晴風二月時。忽憶小園曾種得。今年應發兩三枝。

題宣和墨禽

君王無那汴宮春。八寶牋明墨羽新。寂寞金輿灤水外。繡禽楊柳入邊塵。

金沙盛開

金沙花發繞亭東。萬朵籠鬆滿障紅。安得移尊喚歌舞。為君醉倒錦屏中。

戲咏紅錦帳

紅錦帳子薄於紗。四壁清風汎綵霞。昨夜月明春夢熟。誤吹長笛入桃花。

池上偶賦

畫欄碧樹午陰斜。小扇微風拂帽紗。最怜一時春水綠。不教五月看荷花。

溪上晚眺

槿巷蓬門處。同行入橋外。各西東。荒原斜日牛羊

登林先生詩選卷之十一
下一路西風蒟藿紅

珠湖

珠湖七裏蚌生珠野老傳言定有無昨夜月明湖上望一川寒色秀菰蒲

初聞木犀

連雲長愛綠團七一片清陰九夏寒自有秋香三萬斛何人更向月中看

秋夜送伯衢別

山風吹落桂花枝江上停盃欲別遲半夜酒醒柔櫓發一蓬烟雨過平陂

乳却看圖畫憶涼州

五嶽道人携至故人梁仲聞詩因和奉荅

朝真壇上月明時白鶴歸來見好詩三月青塘芳草路十年風雨最相思

題雪竹

篔簹谷中三日雪深林無人鳥飛絕翩七翠袖出岩阿路轉風迴聞珮玦

題雨竹

滄波石面晚陰涼翠篠娟七過雨香何許鷓鴣啼不斷黃陵祠下是三湘

題石竹

翠葉枝低雨過時
釣臺石上影離七
記得月明江浦
夜舟人解唱竹枝詞

題墨竹

石邊脩竹兩三竿
渭水蕭森暮色寒
會見秋風吹結
實鳳凰飛下五雲端

為郭吟所題竹

長豐隱者年八十
種竹滿林皆老蒼
莫將翠玉輕栽
管留取長竿釣渭陽

題伯衢扇

華山收雨兩江晴
夏竹屯雲一迳清
門外綠陰眠野
鹿隔簾時聽打碁聲

聞鶯

霧雨初晴萬竹低
鶯聲彷彿度前溪
忽然飛去無人
見却在綠楊深處啼

觀禾川新漲

勝鄉三日雨如秋
兩江新水拍山流
長杉短筏不敢
下怕有蛟龍乘夜遊

江上聞鶯

宣華西上是敖城
江水弓灣復鏡平
五月行人西嶺

下滿山青樹只聞鶯

謾題

為謝高陽舊酒徒相逢從此莫言酤
野鳥不知官禁苦向人猶自說提壺

湖上曲

湖陰微雨裏新粧隔浦風來水氣香
聞凭船舷不歸去綠荷花底看鴛鴦
綠荷繚繞水為城十里紅雲照眼明
不知昨夜花開滿清曉船來不可行
郎船夜傍隔溪雲清曉看花不見君
自撥蘭橈唱歌

去却嫌荷葉混羅裙

新蓮乍出即昂頭葉底紅菱不解浮
菱角沉泥終暗

老蓮花落盡只漂流

鷓鴣雙飛亂綠蘋畫船終日倚湖濱
泥中踏藕何由

得水上看花惱殺人

淡紅粧慢七歌畫船如月蔭高荷
雨來不怕羅裙

濕貪看湖光舞翠蛾

獨自沿流出浦遲回船何事不相期
滿房蓮子誰心

苦落盡秋花君始知

訪杜巡檢不遇留題早禾官舍

金瓶梅詞話卷之十一
候吏庭閒散綠苔銀鞍何處未歸來寒塘九月風烟
淨惟見芙蓉一樹開

和溪道中

深上黃竹兩三家丘隴高低迳路斜犬吠柴門楓葉
下一籬寒日蔓絲瓜

兩坐讀史記憶子中兄茅堂已開北渠賦此奉
呈

嬌兒忍冷戲牀前貪咲癡啼也可憐烏柏林空紅葉
濕蕭蕭烟火對愁眠

雞犬蕭條少四鄰孤村風雨自荆榛愁來愛讀平原

傳濁世翩上一偉人

溪上晨起承舉善鍾茂才書自白馬源來問近
作因賦一絕

山鳥一聲當翠微野人初啟竹間扉日輪欲上天東
閣滿地白烟皆倒飛

過東門故居廢址感賦

快閣東頭是故家兒時挿竹更移花只今門巷無尋
處半落江流半岍沙

蔣崦道中

寒江水落鴈團沙碧嶂霜餘樹隱霞行客忽驚冬欲

盡道傍初見報春花

和蕭翀江上紀別

霜落烏啼知夜長驅車欲別更彷徨
明年何處來相覓楊柳青
馬跡塘

北岩雲氣上岩堯却望歸雲度野橋
誰在西樓吹夏笛
鴈飛不盡海天遙